

四庫全書

子部

欽定四庫全書

子部

欽定授時通考卷六

三至

詳校官中書_臣竇汝翼

編修_臣倉聖脈覆勘

總校官編修_臣王燕緒

校對官編修_臣卞庭澄

謄錄監生_臣毛金潮

欽定四庫全書

欽定授時通考卷三

天時

春

易說卦萬物出乎震震東方也

疏震是東方之卦斗柄指東爲春春時萬物出生也
書堯典分命羲仲宅嵎夷曰暘谷寅賓出日平秩東作
傳宅居也東表之地稱嵎夷日出於谷而天下明故

稱暘谷寅敬賓導秩序也歲起於東而始就耕謂之東作東方之官敬導出日平均次序東作之事以務農也

日中星鳥以殷仲春厥民析鳥獸孳尾

傳日中謂春分之日鳥南方朱鳥七宿殷正也春分之昏鳥星畢見以正仲春之氣節冬寒無事並入室處春事既起丁壯就功

國語先時五日瞽告有協風至

注協和也風氣和時候至也立春曰融風

又農祥晨正日月底於天廟土乃脈發

注農祥房星也晨正謂立春之日晨中於午也農事之候故曰農祥

管子發五正赦薄罪出拘民解仇讐所以建時功施生穀也

注謂及時立農功施力爲生穀凡此皆春令

又日至六十日而陽凍釋七十日而陰凍釋陰凍釋而

藝稷百日不藝稷故春事二十五日之內耳

淮南子明庶風至則正封疆修田疇

注春分播穀

又春分至則甘雨降生育萬物

漢書律歷志少陽者東方東動也陽氣動物於時爲春
春蠶也物蠶生乃動運

後漢書郎顗傳雷者所以開萌芽辟陰除害萬物須雷
而解資雨而潤王者崇寬大順春令則雷應節

古三墳物象春春主發生物之象也

說文辰者農之時也故農字從辰田候也

談撰卉木皆感於春氣而後發生者以木旺寅卯然也
師曠占春雷初起其音格格霹靂者所謂雄雷旱氣也
其鳴依依音不大霹靂者謂之雌雷水氣也

農桑通訣孟春立春節氣首五日東風解凍次五日蟄
蟲始振後五日魚上冰次雨水中氣初五日獺祭魚次
五日候雁北後五日草木萌動次仲春驚蟄節氣初五

日桃始華次五日倉庚鳴後五日鷹化爲鳩次春分中
氣初五日玄鳥至次五日雷乃發聲後五日始電次季
春清明節氣初五日桐始華次五日田鼠化爲鴛後五
日虹始見次穀雨中氣初五日萍始生次五日鳴鳩拂
其羽後五日戴勝降於桑凡此六氣一十八候皆春氣
正發生之令

說苑主春者張昏而中可以種穀

農政全書東作既興早起夜眠春間最爲緊要古語云

一年之計在春一日之計在寅

占驗

田家五行凡春宜和而反寒必多雨諺云春寒多雨水
又諺云春風踏脚報言易轉方如人傳報不停脚也一
云既吹一日南風必還一日北風報答也二說俱應
師曠占春辰巳日雨蝗蟲食禾稼

田家雜占春甲子日雨主夏旱六十日春甲申日雨主
米暴貴

又茆蕩內春初雨菌生俗呼爲雷蕈多則主旱無則主水

風角書春甲寅日風高去地三四丈鳴條以上常從申上來爲大赦期六十日應

正月 立春 雨水

禮記月令孟春之月日在營室昏參中旦尾中

註日月之行一歲十二會聖王因其會而分之以爲大數焉觀斗所建命其四時此云孟春者日月會於

娵訾而斗建寅之辰也

其日甲乙其帝太皞其神勾芒

註乙軋也日之行春東從青道發生萬物月爲之佐
時萬物皆解孚甲自抽軋而出太皞宓犧氏也勾芒
少皞氏之子曰重爲木官

又東風解凍蟄蟲始振魚上冰獺祭魚鴻雁來

陳澍曰此記寅月之候振動也來自南而北也

又是月也以立春先立春三日太史謁之天子曰某日

立春盛德在木天子乃齊立春之日天子親帥三公九卿諸侯大夫以迎春於東郊

又天子乃以元日祈穀於上帝

集說元日辛日也郊祭天而配以后稷爲祈穀也

又天氣下降地氣上騰天地和同草木萌動

註此陽氣蒸達可耕之候農書曰土長冒橛陳根可拔耕者急發

又王命布農事命田舍東郊皆修封疆審端經術善相

丘陵阪險原隰土地所宜五穀所植以教道民必躬親之田事既飭先定準直農乃不惑

管子正月之朝穀始也

又正月令農始作服於公田

呂氏春秋冬至後五旬七日菖始生菖者百草之先生者也於是始耕

後漢書祭祀志立春之日皆青幡幘迎春於東郭外

唐六典正月上辛祈穀於圜丘以高祖配

唐書王仲丘傳開元中王仲丘上言貞觀禮正月上辛祀感帝於南郊顯慶禮祀昊天上帝於圜丘以祈穀

宋史禮志景德三年十二月陳彭年言來年正月三日上辛祈穀至十日始立春按月令春秋傳當在建寅之月迎春之後後齊永明元年立春前郊議者欲遷日王儉啟云宋景平元年元嘉六年並立春前郊遂不遷日然則左氏所記啟蟄而郊乃三代彝章王儉所啟郊在春前乃後世變禮望常以正月立春之後行上辛祈穀

之禮從之

四民月令正月可種瓜瓠葵芥大小葱蒜苜蓿及雜蒜
亦種

齊民要術元日五更雞鳴時點火把照桑棗果木等樹
則無蟲以刀斧班駁敲打樹身則結實此之謂稼樹

是日用尖刀刮破桃樹皮 是月命女工趨織布典饋
釀春酒 是月教牛修農具築墻園開溝渠修蠶室整
屋漏織蠶箔 此月栽樹爲上時上半月栽者多結子

南風不可栽

下子 茄 瓜 薏苡 諸般花子 葫蘆 匏

扦插 楊柳 石榴 梔子

栽種 松 桑 榆 柳 棗 葱 葵 韭 麻

胡桃 榛子 松子 杏子 椒 牛蒡子 菠菜

竹宜初二日 雜樹木宜上日 木棉花 苦蕒 山藥

冬瓜宜十日 黃瓜 萵苣生菜 四月芥 種葷

種芋

接換 梨子 林擒 棗 柿 栗 桃 梅 李 杏

以上並
雨後

澆培 石榴 梨子 海棠 棗 柿 梅 桃 杏

林擒 胡桃

以上並
下旬

收藏 無灰臘糟 蒸臘酒 合小豆醬

雜事 接諸般花木果樹 移諸般花木果樹 壠瓜

地 修諸色果木 修接桑樹 騙諸色樹木

騙與
嫁同

占驗

禮記月令孟春行夏令則雨水不時草木早落國時有
恐行秋令則其民大疫姦風暴雨總至藜莠蓬蒿並興
行冬令則水潦爲敗雪霜大摯首種不入

史記天官書正月旦決八風風從南方來大旱西南小
旱西方有兵西北戎菽爲小雨趣兵北方爲中歲東北
爲上歲東方大水東南民有疾疫歲惡

註戎菽胡豆也爲成也

又故八風各與其衝對課多者爲勝多勝少久勝亟疾

勝徐旦至食爲麥食至日昃爲稷昃至舖爲黍舖至下
舖爲菽下舖至日入爲麻欲終日有雨有雲有風有日
日當其時者深而多實無雲有風日當其時淺而多實
有雲風無日當其時深而少實有日無雲不風當其時
者稼有敗如食頃小敗熟五斗米頃大敗則風復起有
雲其稼復起各以其時用雲色占種其所宜其雨雪若
寒歲惡

正義正月旦欲其終一日有風有日則一歲之中五

穀豐熟無災害也

又從正月旦數雨率日食一升至七升而極過之不占數至十二日日直其月占水旱爲其環城千里內占則其爲天下候竟正月

注月一日雨民有一升之食二日雨民有二升之食如此至七日月一日雨正月水月三十日周天歷二十八宿然後可占天下

又月所離列宿日風雲占其國然必察太歲所在金穰

水毀木饑火旱 正月上甲風從東方宜蠶風從西方
若旦黃雲惡

易說立春氣當至不至則多疾癘

古史考元日太史占氣候以知水旱吉凶隨分野書之
陶朱公書元日有雷禾麥皆吉有雪夏秋大旱日出時
有紅霞主絲貴天晴爲上西北風主米貴每月如之諺
云歲朝東北五禾大熟壬癸亥子之方謂之水門其方
風來主水諺云歲朝西北風大雨定妨農西南風主米

貴東南及南風皆主旱

又占桑葉貴賤只看正月上旬木在一日則爲蠶食一
葉爲甚貴木在九日則爲蠶食九葉爲甚賤上元日晴
春水少括云上元無雨多春旱清明無雨少黃梅夏至
無雲三伏熱重陽無雨一冬晴 元宵前後必有料峭
之風謂之元宵風

黃帝占正月二十日爲秋收日時主秋成百穀蕃茂
師曠占立春雨傷五禾

又正月甲戌日大風東來折樹者穀熟甲寅日大風西北來者貴庚寅日風從西來者皆貴

齊民要術欲識歲所宜以布囊盛粟等諸物種平量之埋陰地冬至後五十日發取量之息最多者歲所宜也玉海祥符四年正月己丑司天言農丈人星見主歲豐物理論正月朔旦四面有黃氣其歲大豐此黃帝用事土氣黃均四方並熟有青氣雜黃有螟蟲赤氣大旱黑氣大水正朔占歲星上有青氣宜桑赤氣宜豆黃氣宜

稻

又正月望夜占陰陽陽長即旱陰長即水立表以測其
長短審其水旱表長二尺月影長二尺以內大旱二尺
五寸至三尺小旱三尺五寸至四尺調適高下皆熟四
尺五寸至五尺小水五尺五寸至六尺大水月影所極
則正面也立表中正乃得其定

羣芳譜元日值甲穀賤乙穀貴丙四月旱丁絲綿貴戊
米麥魚鹽貴己米貴蠶傷多風雨庚田熟辛米平麥麻

貴壬絹布豆貴米麥平癸主禾傷多風雨一說元日值
戊主春旱四十五日

又三日得甲爲上歲四日中歲五日下午歲月內有甲寅
米賤

占書一日得辛旱二日小收三四日主水麥半收五六
日小旱七分收八日歲稔一云春旱不收

通書月內有三卯宜豆無則早種禾一云一日得卯十
分收二日低田半收三四日大水五日六日半收七日

八日春澇全收

周益公日記正月內有三子葉少蠶多無三子則葉多
蠶少有三卯則早豆收無則少收有三亥主大水一云
正月得三亥湖田變成海在正月節氣方準

便民書元日晴和無日色主有年日有暈主小熟有雷
主一方不寧有電人殃霞氣主蟲蝗蠶少婦人災果蔬
盛有霜主七月旱禾苗吉有霧主桑貴而民疾有雪主
夏旱秋水如未過立春而元日雪主大有年

通考歲旦天氣晴朗氣溫和主民安國泰五穀豐登人
少病犧牲旺寇盜息

類占正朔之日天氣和潤風不鳴條兼有雲迎送出入
者歲美無疾朔日晚至連三日內無風雨而陰和不見
日色者主一歲大美

探春歷記甲子日立春高鄉豐稔水過岸一尺春雨如
錢夏雨調勻秋雨連綿冬雨高懸

紀歷撮要八日穀夜見星辰五穀豐登

研北雜誌世謂正月三日爲田本命浙西人謂之夏正
三言夏正之三日俗以是日稱水以重爲上有年極驗
朝野僉載正月三白田公笑赫赫西北人諺曰要宜麥
見三白

臞仙神隱立春天陰無風民安蠶麥十倍東風吉人民
安果穀盛

田家五行正月十六日喜西南風爲入門風主低田大
熟

又春牛占歲事頭黃主熟又專主菜麥大熟青主春多
瘟赤主春旱黑主春水白主春多風身色主上鄉脚色
主下鄉

農政全書上八日宜晴此夜若雨元宵如之諺云上八
夜弗見參星月半夜弗見紅燈

又雨水後陰多主少水高下大熟諺云正月罌坑好種
田

二月 驚蟄 春分

詩豳風四之日舉趾

傳四之日周四月也民無不舉足而耕矣

禮記月令仲春之月日在奎昏弧中旦建星中

註仲春日月會於降婁斗建卯之辰孔穎達曰餘月
昏旦中星皆舉二十八宿此云弧與建星者以弧星
近井建星近斗井斗度多星體廣不可的指故舉弧
建以定昏旦之中

又始雨水桃始華倉庚鳴鷹化爲鳩

陳澔曰此記卯月之候倉庚黃鸝也鳩布谷也鷹化爲鳩以生育氣盛故鷩鳥感之而變

又擇元日命民社

註社后土也使民祀焉神其農業也祀社日用甲

又是月也日夜分

陳澔曰晝夜五十刻

雷乃發聲始電蟄蟲咸動啟戶始出

疏雷是陽氣之聲將上與陰相衝電是陽光陽微則

光不見此月陽氣漸盛以擊於陰故云始電戶穴也
謂發所蟄之穴

國語自今至於初吉陽氣俱蒸土膏其動

註初吉二月朔日也

又土發而社助時也

註土發春分也社者助時求福爲農始也

呂氏春秋開春始雷則蟄蟲動矣時雨降則草木育矣
又太簇之月陽氣始生草木繁動令農發土無或失時

洪範五行傳雷以二月出震其卦曰豫言萬物隨雷出地皆逸豫也

淮南子二月官倉

注二月播種故官倉也

白虎通仲春穫禾報社祭稷以三牲何重功故也

說文腰楚俗以二月祭飲食也一曰祈穀食新曰離腰又春分而禾生

夏小正祈麥實

傳麥者五穀之先見者故急祈而記之也

又二月往耨泰禪

傳禪單也

論衡二月之時龍星始出見出雩祈穀雨

唐書李泌傳二月朔里閭釀宜春酒以祭勾芒神祈豐年

荆楚歲時記春分日民竝種戒火草於屋上有鳥如烏先雞而鳴架架格格民聞此鳥則入田以爲候

四民月令二月陰凍畢澤可蓄美田緩土及河渚水處
汜勝之書種麻子二月下旬傍雨種之麻生布葉鋤之
以蠶矢糞之天旱以流水澆之無流水曝井水殺其寒
氣以澆之如此美田則畝五十石及百石薄田尚三十
石

齊民要術二月昏參夕杏花盛桑椹亦可種大豆謂之
上時家政法曰二月可種瓜瓠

又二月順陽習射以備不虞春分中雷乃發聲先後各

五日寢別內外蠶事未起命縫人浣冬衣徹複爲衿其

有羸帛遂供秋服

凡浣故帛用灰汁則色黃而且肥搗小豆細末下絹筴投湯水以洗之潔

白而柔韌勝皂莢矣

可糴粟黍大小豆麻麥子等收薪炭

炭聚之下碎末

勿令棄之搗筴煮泔米泔漉之更搗令熟丸如雞子曝乾以供籠爐種火之用輒得達曙堅寔耐久逾炭十倍

初二日東作興俗謂上工日田家雇傭工之人俱此日

執役之始故名上工 泥蠶室 舂百果木根則子牢

此月雨水中埋諸花樹條則活 中旬種稻爲上時

下子 麻子 紅花 山藥 白扁豆 桑椹

扦插 蒲桃 石榴

栽種 槐 穀楮 栗 松 銀杏 棗 皂莢 菊

茶 木瓜 薤 桐樹 決明 百合 胡麻

黃精 木槿 茨菰 甘蔗 雜菜 藕 芋

宜雨多

竹 茄 瓜 莧 枸杞 萱草 蒼朮 芭蕉

萵苣 紫蘇 烏豆 豌豆 茱萸 韭 夏蘿

菊 苕帚 大葫蘆 菰菜 大脾豆

壓條 桑條

接換 柑 橘 柿 棗 橙 柚 杏 栗 桃

梅 梨 李 胡桃 銀杏 楊梅 枇杷 沙柑

石榴

紫丁香

以上春分前後皆可

澆培 柑 橘 橙 柚 蒲萄

收藏 百合曲 槐芽 皂角 新茶

雜事

移諸般花木

並忌南風火日

理蠶事春耕宜遲恐陽氣

未透 插諸色樹木 解樹上裏縛 二月二日取

枸杞煮湯沐浴令人光澤不老不病

續文獻通考元武宗至大三年命祀先農樂用登歌日
用仲春上丁或用上辛或甲日

占驗

禮記月令仲春行秋令則其國大水寒氣總至寇戎來
征行冬令則陽氣不勝麥乃不熟民多相掠行夏令則
國乃大旱暖氣早來蟲螟爲害

陶朱公書二月朔日值驚蟄主蝗蟲值春分主歲歉風
雨主米貴

又二月初八日東南風謂之上山旗主水西北風謂之
下山旗主旱

又十五日爲勸農日晴和主年豐風雨主歲歉

又二月虹見在東主秋米貴在西主蠶貴 驚蟄前後
有雷謂之發蟄雷聲初起從乾方來主人民災坎方來
主水艮方來主米賤震方來主歲稔巽方來主蝗蟲離
方來主旱兌方來主五金長價詩曰初二天晴東作興
初七八日看年成花朝此夜晴明好何處連綿夜雨傾

師曠占二月甲戌日風從南來者稻熟 二月乙卯日
不雨晴明稻上場不熟

通考二月甲子日發雷大熟一云大熟

又十六日乃黃姑浸種日西南風主大旱高鄉人見此
風即懸百文錢於簷下風力能動則舉家失聲相告風
愈急愈旱又主桑葉貴

經世民事錄二月內有三卯則宜豆無則旱種禾

談薈二月二十日謂之小分龍日晴分嬾龍主旱雨分

健龍主水

農政全書二月十二日夜宜晴可折十二夜夜雨二月

最怕夜雨若此夜晴雖雨多亦無所妨

越人陳元義云二月內得十二

個夜晴則一年雨晴調勻更十夜以上雨水鄉人盡

二夜中又雨爲水潦年歲矣

叫苦 初四有水謂之春水 初八日前後必有風雨

諺云清明斷雪穀雨斷霜言天氣之常

四時占候二月朔日雨稻惡糴貴晦日雨人多疾

萬寶全書春分日西風麥貴南風先水後旱北風米貴

三月 清明 穀雨

禮記月令季春之月日在胃昏七星中旦牽牛中

註季春日月會於大梁斗建辰之辰 陳澍曰七星二十八宿之星宿也

又桐始華田鼠化爲鴛虹始見萍始生

陳澍曰此記辰月之候鴛鶼之屬

又薦鮪於寢廟乃爲麥祈實是月也生氣方盛陽氣發
泄句者畢出萌者盡達

註於含秀求其成也句屈生者芒而直曰萌

又是月也命司空曰時雨將降下水上騰循行國邑周視原野修利隄防道達溝瀆開通道路毋有障塞

淮南子清明加十五日斗指辰則穀雨音比姑洗

孝經緯斗指辰爲穀雨言雨生百穀也

說文辰震也三月陽氣動雷電振民農時也物皆生

嘉定縣志三月十一日爲麥生日喜晴

祛疑說農家以霜降前一日見霜則清明前一日霜止

霜降後一日見霜則清明後一日霜止五日十日而往
前後同占欲出秧苗必待霜止每歲推驗若合符節
汜勝之書三月榆莢時有雨高田可種大豆土和無塊
畝五升土不和則益之

又種禾無期因地爲時三月榆莢時雨膏地強可種禾
齊民要術穀雨三月上旬及清明節桃始華爲中時
又三月可種粳稻

又是月也蠶農尚閒可利溝瀆葺治牆屋修門戶警設

守備以禦春饑草竊之寇是月盡夏至煖氣將盛日烈
暎燥利用漆油作諸日煎藥可糴黍買布四月繭既入
簇趨繰剖線具機杼敬經絡草茂可燒灰是月也可作
棄蛹以禦賓客可糴麵及大麥弊絮

下子

苾蓐

宜穀
雨日

麻子

栽種

菉豆

茶

宜陰
地

粟

穀

秫稌

石榴

大

豆

宜上
旬

松

百合

山藥

黃瓜

紫草

紅花

甘蔗

菱

早芝麻

雞頭

薑

葵菜

絲瓜

兒宜社

香菜 早稻宜上

地黃 梔子 藍

紫蘇 芋 綿花 杏 瓠子 葫蘆 茭白 菠

菜宜月 桑椹 紵麻

收藏 芥菜 桐花 毛羽衣物 清明醋 次茶書

畫入焙中 又可栽茶宜陰地 諸般瓜宜初三日或辰戌時

葫蘆宜清明日

移植 椒 茄秧 枸杞苗 蒲百合 柚 橘 橙

柑

接換 楊梅 橙 柑 棗 栗 柿 枇杷

雜事 犁秧田 梅上接杏 杏上接梅 埋楮樹 收

茵 開溝 修牆 防雨 浸穀種 修蜜

占驗

禮記月令季春行冬令則寒氣時發草木皆肅國有大
恐行夏令則民多疾疫時雨不降山陵不收行秋令則
天多沉陰淫雨早降兵革並起

陶朱公書朔日值清明主草木榮茂值穀雨主年豐風

雨主人災百蟲生有雷主五穀熟

種樹書常以三月三日雨卜桑葉之貴賤諺云雨打石頭偏桑葉三錢片或曰四日尤甚杭人曰三日尚可四日殺我言四日雨尤貴

田家五行清明午前晴早蠶熟午後晴晚蠶熟

又三月初三晴桑葉掛銀瓶雨打石頭斑桑葉錢上楚雨打石頭流桑葉好餒牛

又三月無三卯田家米不飽

又穀雨日辰值甲辰蠶麥相登大喜忻穀雨日辰值甲
午每箔絲綿得三觔 清明無雨少黃梅又雨打紙錢
頭麻麥不見收雨打墓頭錢今年好種田門前插柳青
農人休望晴門前插柳焦農人好作嬌

嘉定縣志三月三上巳日聽蛙聲占水旱諺云田雞叫
得啞低田好稻把田雞叫得響低田好牽漿唐詩田家
無五行水旱聽蛙聲是也

農政全書若清明寒食前後有水而渾主高低田禾大

熟四時雨水調 穀雨日雨主魚生諺云一點雨一個
魚 穀雨前一兩朝霜主大旱是日雨則魚生必主多
雨二麥紅腐不可食用 月內有暴水謂之桃花水則
多梅雨無滂亦無乾雪不消則九月霜不降雷多歲稔
虹見九月米貴

欽定授時通考卷三

欽定四庫全書

欽定授時通考卷四

天時

夏

書堯典申命羲叔宅南交平秩南訛敬致

傳申重也南交言夏與春交此居治南方之官訛化也掌夏之官平叙南方化育之事敬行其教以致其功

日永星火以正仲夏厥民因鳥獸希革

傳永長也謂夏至之日火蒼龍之中星舉中則七星
見可知以正仲夏之氣節季孟亦可知因謂老弱因
就在田之丁壯以助農也夏時鳥獸毛羽希少改易
革改也

農桑通訣孟夏立夏節氣初五日螻蟈鳴次五日蚯蚓
出後五日王瓜生次小滿中氣初五日苦菜秀次五日
靡草死後五日麥秋至次仲夏芒種節氣初五日螳螂

生次五日鵙始鳴後五日反舌無聲次夏至中氣初五日鹿角解次五日蜩始鳴後五日半夏生次季夏小暑節氣初五日溫風至次五日蟋蟀居壁後五日鷹始鷙次大暑中氣初五日腐草爲螢次五日土潤溽暑後五日大雨時行凡此六氣一十八候皆夏氣正長養之令埤雅江湘二浙四五月間梅欲黃落則水潤土溽柱礎皆汗蒸鬱成雨謂之梅雨也

瑣碎錄立夏後逢庚日爲入梅芒種後逢辰日爲出梅

四民月令五月六月可菑麥田

四月 立夏 小滿

禮記月令孟夏之月日在畢昏翼中旦婺女中

註孟夏日月會於實沈斗建巳之辰

其日丙丁其帝炎帝其神祝融

註丙之言炳也日之行夏南從赤道長育萬物月爲之佐時萬物皆炳然著見而強大炎帝大庭氏也祝融顓頊氏之子曰犁爲火官陳澹曰大庭氏即神農

也

又螻蛄鳴蚯蚓出王瓜生苦菜秀

陳澹曰此記已月之候註螻蛄蛙也王瓜草挈也今月令云王莢生夏小正云王莢秀朱氏曰王瓜色赤感火之色而生苦菜味苦感火之味而成

又是月也以立夏先立夏三日太史謂之天子曰某日立夏盛德在火天子乃齊立夏之日天子親帥三公九卿大夫以迎夏於南郊

又是月也天子始締命野虞出行田原爲天子勞農勸民毋或失時命司徒循行縣鄙命農勉作毋休於都是月也驅獸毋害五穀毋大田獵農乃登麥

又是月也聚畜百藥靡草死麥秋至

左傳龍見而雩

註建巳之月蒼龍宿之體昏見東方萬物始盛待雨而大故祭天遠爲百穀祈膏雨

春秋考異郵三時惟有禱禮惟四月龍星見始有常雩

呂氏春秋孟夏之昔三葉而穫大麥

注昔終也三葉薺葶歷蒔莫也是月之季枯死大麥熟而可穫大麥旋麥也

淮南子孟夏之月以熟穀禾雄鳩長鳴爲帝候歲

注雄鳩蓋布穀也

又立夏加十五日斗指巳則小滿音比太簇

孝經緯斗指巳爲小滿小滿者言物於此小得滿盈也
嬾真子錄小滿四月中謂麥之氣至此方小滿而未熟

也

荆楚歲時記四時有鳥名獲穀其名自呼農人候此鳥則犁耙上岸

汜勝之書黍者暑也種必待暑先夏至三十日此時有雨疆土可種黍一畝三升黍心未生雨灌其心心傷無實黍心初生畏天露令兩人對持長索繫去其露日出乃止

齊民要術是月收諸色菜子斫倒就地曬打收之用瓶

罐盛貯標記名號 是月收蜜蜂 此月伐木不蛀

下子 芝麻

扦插 梔子

栽種 椒 松 大豆 紫蘇 麻

宜夏至前十日

晚黃瓜

葵 蓮 菜豆 白莧 荷根

宜立夏前三日

梔子

枇杷

收藏 絲綿 大麥 乾甚 蒿芥 鹽春菜 蘿蔔

子 笋乾 芋魁 蠶豆 甜菜乾 晚菜乾

雜事 曬白菜 移茄 包梨 鋤葱芋 斫竹

占驗

禮記月令孟夏行秋令則苦雨數來五穀不滋四鄙入
保行冬令則草木早枯後乃大水敗其城郭行春令則
蝗蟲爲災暴風來格秀草不實

羣芳譜諺云有穀無穀且看四月十六立一丈竿量月
影月當中時影過竿雨水多沒田夏旱人饑長九尺主
三時雨水八尺七尺主雨水六尺低田大熟高田半收

五尺主夏旱四尺蝗三尺人饑

嘉定縣志四月初四爲稻生日喜晴

談苑江南民於四月一日至四日卜一歲之豐凶云一日雨百泉枯言旱也二日雨傍山居言避水也三日雨騎木驢言踏車取水亦旱也四日雨餘有餘言大熟也農政全書四月以清和天氣爲正必作寒數日謂之麥秀寒即月令麥秋至之候夏至日風色看交時最要緊屢驗月中看魚散子占水黃梅時水邊草上看

散子高低以卜水增止 立夏日看日暈有則主水諺
云一番暈添一番湖塘是夜雨損麥諺云二麥不怕神
共鬼只怕四月八夜雨大抵立夏後夜雨多便損麥蓋
麥花夜吐雨多花損故麥粒浮秕也

五月 芒種 夏至

禮記月令仲夏之月日在東井昏亢中旦危中

註仲夏日月會於鶉首斗建午之辰

又小暑至螳螂生鵙始鳴反舌無聲

陳澍曰此記午月之候螳螂一名蜥父一名天馬鵲
博勞也反舌百舌鳥凡物皆稟陰陽之氣而成質其
陰類者宜陰時陽類者宜陽時得時則興失時則廢
又是月也農乃登麥

又日長至

孔穎達曰謂此月之時日長之至極

又鹿角解蟬始鳴半夏生木堇榮

鄭氏曰半夏藥草木堇王蒸也

周禮春官女巫旱暵則舞雩

疏此謂五月已後修雩故有旱暵之事旱而言暵者
暵謂熱氣也

管子以春日始數九十二日謂之夏至而麥熟天子
祀於太宗其盛以麥者穀之始也

淮南子小滿加十五日斗指丙則芒種音比大呂

三禮義宗五月芒種爲節者言時可以種有芒之穀故
以芒種爲名

嬾真子錄芒種五月節種該數類之種謂之有芒者麥也至是當熟矣周禮稻人澤草所生種之芒種註云澤草之所生其地可種芒種芒種稻麥也過五月節則稻不可種所謂芒種五月節者謂麥至是而始可收稻過是而不可種也

齊民要術五月芒種節後陽氣始虧陰慝將萌煖氣始盛蠱蠹並興乃弛角弓弩解其徽絃張竹木弓弩弛其絃以灰藏旃裘毛毳之物及箭羽以竿掛油衣勿辟藏

霖雨將降儲米穀薪炭以備道路陷滯不通是月也陰陽爭血氣散夏至先後各十五日薄滋味勿多食肥醲

距立秋無食煮餅及水引餅

夏月食水時此二餅得水即堅強難消惟酒引餅即

化可糶大小豆胡麻糶穰大小麥收弊絮及布帛至後糶粃生蟲曝乾置罌中密封使不至冬可養馬十三是

竹醉日可移竹

下子 夏松菜 夏蘿蔔

栽種 插稻秧 晚大豆 晚紅花 香菜

收藏 豆醬 烏梅 鹹豆 木綿 菜子 蠶種

豌豆 紅花 白酒 芝麻 槐花 小麥 大蒜

藍青 榧子 蘿蔔子

雜事 斫苧 埋桃杏李梅核在牛糞內尖向上易出

浸蠶種 斫桑 芒種後壬日入梅梅日種草無不

活者 五月五日蒿苳成片放廚櫃內辟蟲蛀衣帛

等物收蒿苳葉亦得

東陽縣志夏至凡治田者不論多少必具酒肉祭土穀

之神束草立標插諸田間就而祭之爲祭田婆蓋麥秋
既登稻禾方茂義兼祈報矣

占驗

禮記月令仲夏行冬令則雹凍傷穀道路不通暴兵來
至行春令則五穀晚熟百螫時起其穀乃饑行秋令則
草木零落果實早成民殃於疫

月令占候圖朔日夏至并二日三日至六日夏至五穀
熟二十二日二十四日夏至不熟二十五日三十日夏

至時價平和晦日夏至五穀貴

便民圖纂五月宜熟諺云黃梅寒井底乾又夜亦宜熟
諺云晝暖夜寒東海也乾俱主旱 五月暴熱之時看

窠草忽自枯死主有水

老農俚語上半月夏至前田內曬殺小魚主水口開水
立至易過口閉反是

田家五行朔日值芒種六畜災值夏至冬米大貴又夏
至在月初主雨水調諺云夏至端午前坐了種田年

又五月十三連夜雨來年早種白頭田

嘉定縣志五月朔旦爲早禾本命日尤忌雨

又夏至日起時時分三節共十五日初雨爲迎時末雨爲送時諺云高田只怕迎時雨低田只怕送三時蓋初時雨則早末時雨則潦也若中時而雷謂之腰報亦主多雨諺云中時腰報沒低田

農政全書諺云初一雨落井泉浮初二雨落井泉枯初三雨落連太湖又云一日值雨人食百草又云一日晴

一年豐一日雨一年歉 立梅芒種日是也宜晴陰陽
家云芒後逢壬立梅至後逢壬梅斷或云芒種逢壬是
立衡按風土記云夏至前芒種後雨爲黃梅雨田家初
插秧謂之發黃梅逢壬爲是 芒後半月內西南風諺
云梅裏西南時裏潭潭但此風連吹兩日雨立至 畏
雷諺云梅裏雷低田拆舍回言低田巨浸屋無用也甚
驗或云聲多及震响反旱往往經試才有雷便有雨遍
插秧之患大抵芒後半月謂之禁雷天又云梅裏一聲

雷時中三日雨 立梅日早雨謂之迎梅雨一云主旱

諺云雨打梅頭無水飲牛雨打梅額河底開坼一云主

水諺云迎梅一寸送梅一尺雜占云此日雨卒未晴試

以二日比較近年纔是無雨雖有黃梅亦不多不可不

知也 重五日只宜薄陰但欲晒得蓬癢

步結切
枯病也

便好

大晴主水雨主絲綿貴大風雨主田內無邊帶風水多

也 至後半月爲三時頭時三日中時五日末時七日

時雨中時主大水若末時縱雨亦善括云夏至未過水

袋未破諺云時裏一日西南風准過黃梅兩日雨又云
時雨西南老龍奔潭皆主旱全不應晚轉東南必晴諺
云朝西暮東風正是旱天公末時得雷謂之送時主
久晴諺云迎梅雨送時雷送去了便弗回諺云黃梅
天日幾番顛冬青花占水旱諺云黃梅雨未過冬青
花未破冬青花已開黃梅雨不來夏至端午前叉手
種年田夏至日雨落謂淋時雨主久雨其年必豐夏
至有雲三伏熱如吹西南風急吹急沒慢吹慢沒端

午日雨來年大熟 分龍之日農家於是日早以米締
盛灰籍之紙至晚視之若有雨點迹則秋不熟穀價高
人多閉糶 五月二十日大分龍無雨而有雷謂之鎖
雷門 田家五行曰至正壬辰春末夏初水至既非桃
花亦非黃梅去而復來進退不已余家所種低田數多
正苦於插種過時田中積水車浚未有乾期此日尚且
勉強督工喜晴固好然八風周旋正不知吉凶如何至
申時忽東南陣起見掛帆雨隨有雷三四聲方且驚愕

忽見一老農拱手仰天且連稱慚愧不已因問其故答云今日無雨而有雷謂之鎖龍門復拱手相賀喜躍或問此處無雨他處却雨如何老農云晴雨各以本境所致爲占候也幼聞父老言前宋時平江府崑山縣作水災隣縣常熟却稱旱上司謂接境一般高下之地豈有水旱如此相背之理不准申後其里人直赴於朝訴諸史丞相丞相怪問亦然衆人因泣下而告曰崑山日日雨常熟只聞雷丞相謂有此理悉聽所陳至今吳中相

傳以爲古諺又諺云夏雨隔田晴又云夏雨分牛脊又云龍行熟路正謂此也其年果熟晴多雨少自此日至立秋止雨兩番 月內虹見麥貴有三卯宜種稻有應時雨 諺云二十分龍廿一雨破車閣在弄堂裏二十分龍廿一蠶拔起黃秧便種豆

六月 小暑 大暑

易說卦坤也者地也萬物皆致養焉故曰致役乎坤

函史土寄王於四時莫盛於季夏於易卦爲坤坤也

者土也致役致養也土乘其旺竭精華養萬物也

禮記月令季夏之月日在柳昏火中旦奎中

註季夏日月會於鶉火斗建未之辰

又溫風始至蟋蟀居壁鷹乃學習腐草爲螢

陳澔曰此記未月之候疏蟋蟀生於土中至季夏羽翼未能遠飛但居其壁鷹感陰氣乃學習搏擊之事腐草得卑濕之氣故爲螢

又是月也土潤溽暑大雨時行燒薙行水利以殺草如

以熱湯可以糞田疇可以美土疆

中央土

陳澹曰土寄旺於四時各十八日共七十二日除此則木火金水亦各七十二日矣土於四時無乎不在故無定位無專氣而寄旺於辰戌丑未之末未月在火金之間又居一歲之中故特揭中央土一令以成五行之序

其日戊午其帝黃帝其神后土

註戊之言茂也日之行四時之間從黃道月爲之佐
至此萬物皆枝葉茂盛其含秀者屈抑而起黃帝軒
轅氏也后土亦顓頊氏之子曰犁兼爲土官

內經中央生濕濕生土土生甘甘在天爲濕在地爲土
註六月四陽二陰合蒸以生濕氣蒸腐萬物成土也
霧露雲雨濕之用也安靜稼穡土之德也

管子中央曰土土德實輔四時

淮南子六月官少內

註六月植稼成熟故官少內也

春秋繁露土者夏中成熟百種君之官

吳志華覈傳是時盛夏興工覈上疏曰六月戊巳土行
正旺旣不可犯加又農月時不可失昔魯隱公夏城中
丘春秋書之垂爲後戒

齊民要術鋤地六月以後雖濕亦無嫌

註濕鋤則地堅夏苗陰厚地不見日故雖濕亦無害

矣

六月命女工織縑練縑及紗縑之屬可燒灰染青紺雜色七此

月斫竹不蛀

扦插 楊柳

栽種 小蒜 冬葱 油麻宜上 白莖秋葵 葵菜

淋瀝 蘿蔔 萊豆 胡蘿蔔 晚瓜 蔓菁

收藏 米麥醋 三黃醋 豆豉 醬瓜 瓜乾 割

蔴 紫草 綿絲 蘿蔔 楮實 白朮 雨衣

麻皮 麴宜伏中 七寶瓜 酒藥 鯨魚 槐花

二麥 椒

雜事 洗甘蔗 鋤竹園地 染水藍 培灌橙橘

斫柴 做冰梅 打炭壑 打糞壑 耕麥地 耘

稻 鋤芋 是月飯不餽法用生莧菜薄鋪在上蓋
之過夜則不致餽壞

又種瞿麥法以伏爲時畝收十石渾蒸曝乾春去皮米
全不碎炊作殮甚滑細磨下絹篩作餅亦滑美

食物本草種小豆以初伏爲上中伏次之後則難爲種

子

占驗

禮記月令季夏行春令則穀實鮮落國多風效民乃遷
徙行秋令則丘隰水潦禾稼不熟乃多女災行冬令則
風寒不時鷹隼蚤鷙四鄙入保

陶朱公書伏裏西北風主冬冰堅諺云伏裏西北風臘
裏船弗通虹見主麥貴日蝕主早有霧亦主旱諺云六
月裏迷霧要雨到白露西南風主蟲損稻 朔日值大

暑人多疾遇甲歲多飢風雨主米貴西北風主七八月
內水橫流 六月初八西北風驚動海中龍

通考初六日晴主收乾稻雨謂之湛輓耳主有秋水諺
云六月無蠅新舊相登米價平

四時占候六月雷不鳴蝗蟲生冬民不安

望氣經六月三日有霧則歲大熟

田家五行月內有西南風主生蟲損稻秋前損根可再
抽苗秋後損者不復抽矣諺云秋前生蟲損一莖發一

莖秋後生蟲損了一莖無了一莖

農政全書六月初頭一劑雨夜夜風潮到立秋 六月

蓋夾被田裏不生米 六月西風吹遍草八月無風秕

子稻 三伏中天熱冬必多雨雪 螳螂蟬叫稻生芒

六月有水謂之賊水言不當有也 小暑日晴雨亦

要看交時最緊 六月初三日畧得雨主秋旱收乾稻

蘇秀人云此日畧得雨則西山及南海不斫蕎麥 初

三日雨難槁稻諺云六月初三晴山篠盡枯零 小暑

日雨名黃梅顛倒轉主水東南風及成塊白雲起至半
月舶趨風主水退兼旱無南風則無舶趨風水卒不能
退諺云舶趨風雲起旱魃精空歡喜仰面看青天頭巾
落在麻坼裏東坡詩云三時已斷黃梅雨萬里初來舶
趨風正此日也 諺云六月不熟五穀不結老農云三
伏中稿稻天氣又當下壅時最要晴晴則熟故也

欽定授時通考卷四

欽定四庫全書

欽定授時通考卷五

天時

秋

書堯典分命和仲宅西曰昧谷寅餞納日平秩西成
傳昧冥也日入於谷而天下冥故曰昧谷此居治西
方之官掌秋天之政也餞送也日出言導日入言送
因事之宜秋西方萬物成平序其政助成物

宵中星虛以殷仲秋厥民夷鳥獸毛毳

傳宵夜也春言日秋言夜互相備虛玄武之中星亦言七星皆以秋分日見以正三秋夷平也老壯在田與夏平也毳理也毛更生整理

春秋襄公五年秋大雩左傳秋大雩旱也

注雩夏祭所以祈甘雨若旱則又修其禮故雖秋雩非書過也

大戴禮方秋三月收斂以時於時有事嘗新於皇祖皇

考食農夫九人以成秋事

書傳主秋者虛昏中可以種麥

莊子正得秋而萬寶成

農桑通訣立秋之節初五日涼風至次五日白露方降
後五日寒蟬鳴次處暑氣初五日鷹乃祭鳥次五日天
地始肅後五日禾乃登次仲秋白露之節初五日鴻雁
來次五日玄鳥歸後五日羣鳥養羞次秋分氣初五日
雷乃收聲次五日蟄蟲坏戶後五日水始涸次季秋寒

露之節初五日鴻雁來賓次五日雀入大水爲蛤後五日菊有黃花次霜降氣初五日豺乃祭獸次五日草木黃落後五日蟄蟲咸俯凡此六氣一十八候皆秋氣正收斂之令

占驗

史記天官書辰星之色秋青白而歲熟

春秋繁露王者心不能容則稼穡不成而秋多雷雷者土氣也其音宮也故應之以雷

是火爲寒暑之候事也

又七月烹葵及菽

疏葵菽當烹煮乃食

禮記月令孟秋之月日在翼昏建星中旦畢中

註孟秋日月會於鶉尾斗建申之辰

其日庚辛其帝少皞其神蓐收

註庚之言更也辛之言新也日之行秋西從白道成熟萬物月爲之佐萬物皆肅然改更秀實新成少皞

金天氏也蓐收少皞氏之子曰該爲金官

又涼風至白露降寒蟬鳴鷹乃祭鳥

陳澹曰此記申月之候

又是月也以立秋先立秋三日太史謂之天子曰某日立秋盛德在金天子乃齊立秋之日天子親帥三公九卿諸侯大夫以迎秋於西郊

又是月也農乃登穀天子嘗新先薦寢廟

又命百官始收斂完隄防謹壅塞以備水潦

陳澍曰所以爲水潦之備者酉中有畢星好雨也

春秋繁露嘗者七月嘗黍稷也

陶朱公書稻田立秋後不添水晒十餘日謂之擱稻

東京夢華錄中元前一日即賣楝葉享祀時鋪襯桌面
又賣麻穀窠鬼亦是繫在桌子脚上乃告祖先秋成之
意十五日供養祖先素食纔明即賣糝米飯巡門叫賣
亦告成意也

齊民要術七月四日命置麴室具箔槌取淨艾六日饌

治五穀磨具七日遂作麴及曝經書與衣作乾糗採蔥
耳處暑中向秋節浣故製新作捨薄以備始涼糶大小
麥豆收縑練

栽種 蕎麥 蒿菜 葱 苜蓿蘿蔔 菠菜

宜月
末日

赤豆 薑菜 蔓青 早菜 冬葵 芥菜

立秋
前

雜事 斫伐竹木 分蘗 剝棗 刈草 作澱 耕

菜地 秋耕宜早恐霜後掩入陰氣 收黃葵花

治湯

火傷 七月七日 晒曝革裘無蟲

收藏 採松子 割藍 米醋 鹹豉 茄乾 瓜乾

瓜種 瓜蒂 紫蘇 地黃 角蒿

可辟蛙

花椒

荊芥 松栢子 糟茄 糟瓜 醬瓜 荷葉

楮子 芙蓉葉

治腫

占驗

禮記月令孟秋行冬令則陰氣大勝介蟲敗穀戎兵乃
來行春令則其國乃旱陽氣復還五穀無實行夏令則
國多火災寒熱不節民多瘧疾

易通卦驗離氣見立秋分則歲大熟

月令占候圖立秋坤卦用事晡時申西南涼風至黃雲如羣羊宜粟穀望西南坤上有黃雲氣是正氣立秋應節萬物皆榮豆穀熟

又立秋日午時豎竿影得四尺五寸二分半五穀熟望氣經七月三日有霧歲熟

紀歷撮要立秋日天氣晴明萬物多不成熟

又立秋日要西南風主稻禾倍收三日三石四日四石

立秋日雷名躡躡損晚禾亦名秋霹靂主晚稻秔

又七夕天河去探米價回快米賤回遲米貴

又朝立秋暮颼颼夜立秋熱到頭

又處暑雨不通白露枉相逢

家塾事親七月雷大吼有急令

又虹以立秋四十六日內出正西貫兌中秋則有水有旱

田家五行七月朔日虹見主年內米貴

嘉定縣志處暑有雨則物成熟諺云處暑若還天不雨
總然結實也難收

萬寶全書立秋日申時西南方有赤雲宜粟

農政全書七月秋時到秋六月秋便罷休

又立秋日小雨吉大雨主傷禾

又七月有雨名洗車雨主八月有蓼花諺云七月七無

洗車八月八無蓼花

八月 白露 秋分

詩幽風八月萑葦

傳藪爲萑葦爲葦豫蓄萑葦可以爲曲薄也

又八月其穫

疏八月其禾可刈穫也

又八月剝棗

疏棗須就樹擊之

八月斷壺

傳壺瓠也疏甘瓠可食就蔓斷取而食之

禮記月令仲秋之月日在角昏牽牛中旦觜觿中

註仲秋日月會於壽星斗建酉之辰

又盲風至鴻雁來玄鳥歸羣鳥養羞

陳澹曰此記酉月之候來自北而來也羞者所美之食藏之以備冬月之養也

又乃命有司趨民收歛務畜菜多積聚乃勸種麥毋或失時其有失時行罪無疑

又是月也日夜分雷始收聲蟄蟲坏戶水始涸

註坏益也蟄蟲益戶謂稍小之也

國語辰角見而雨畢

又五間南呂贊陽秀物也

註南任也陰任陽事助成萬物也

夏小正八月剝瓜

傳蓄瓜之時也

漢書五行志于易雷以八月入其卦曰歸妹言雷復歸入地則孕毓根核保藏蟄蟲避盛陽之害

舊唐書神龍元年改秋社用仲秋

唐書歷志秋分後五日在氐十三度龍角盡見時雨
可以畢矣

六典旱甚則修雩秋分以後雖旱不雩

宋書禮志祠大社帝太稷常以歲八月秋社日祠之

金史食貨志金宣宗元光元年京南司農卿李蹊言按
齊民要術麥晚種則粒小而不實故必八月種之今南
方輸秋稅皆以八月爲終限若輸遠倉及泥淖往返不

下二十日使民不暇趨時乞寬徵歛之限使先盡力於
二麥不從

管子以夏日至始數九十二日謂之秋至秋至而禾熟
淮南子秋分簞定簞定而禾熟

註簞禾穗粟孚甲之芒定者成也

東京夢華錄八月秋社各以社糕社酒相齋送貴戚宮
院以猪羊肉腰子妳房肚肺鴨餅瓜薑之屬切作碁子
片樣滋味調和鋪于飯上謂之社飯

孝經援神契仲秋穰禾拜祭社稷

內經寒風曉暮蒸熱相薄草木凝烟濕化不流則白露
陰布以成秋令

又金鬱之發夜零白露林莽聲悽

註夜濡白露曉聽風悽乃秋金發徵也

說文酉爲秋門萬物已入

易通卦驗秋分日入酉白氣直出兌此正氣也

又白露黃陰雲出秋分白陰雲出

白虎通律中南呂南者任也言陽氣尚有任生薺麥也
故陰拒之也

齊民要術崔寔曰凡種大小麥得白露節可種薄田秋
分種中田後十日種美田

又八月暑退涼風戒寒趨練帛染綵色擘絲治絮製
新浣故及韋履賤好預買以備冬寒刈荏葦蒹葭涼燥
可上弓弩繕理櫟鋤正縛鎧弦遂以習射弛竹木弓弧
糶種麥糶黍

栽種 大蒜 罌粟 寒豇 苦蕒 苧麻 蔓菁

諸般菜 葱子 大麥 牡丹 芍藥 分薤根

芥子 麗春 小麥 麥 淤芋根 木瓜 花椒

收藏 醋薑 茄醬 茄乾 糟茄 棗子 淹韭

晚黃瓜 地黃酒 芝蔴 栗子 柿子 韭花

柿漆 斫竹

移植 早梅 橙橘 枇杷 牡丹

雜事 蹈麵 鋤竹園地 是月防霧傷棗棗熟著霧

則多損棘蔴散絰於樹枝上則可辟霧氣或用楷稭於樹上四散絰縛亦得

田家五行八月中旬作熟謂之潮熟又名八月小春

田家雜占八月中氣前後起西北風謂之霜信未風先雨謂之料信雨

農桑通訣八月社前即可種麥麥經兩社即倍收而堅好

農政全書種麥八月白露節後逢上戊爲上時中戊爲

中時下戊爲下時

又八月早禾怕北風晚禾怕南風 朔日晴主冬宜薑
畧得雨宜麥一云風雨宜麥又云凡朔要晴唯此月要
雨好種麥 白露雨爲苦雨稻禾霑之則白颯蔬菜霑
之則味苦諺云白露日個雨來一路苦一路又云白露
前是雨白露後是鬼其時之雨片雲來便雨稻花見日
吐出陰雨則收正吐之時暴雨忽來卒不能收遂致白
颯之患若連朝雨反不爲災不免擔閣吐秀有皮殼厚

之病

占驗

禮記月令仲秋行春令則秋雨不降草木生榮國乃有
恐行夏令則其國乃旱蟄蟲不藏五穀復生行冬令則
風災數起收雷先行草木早死

京房易候虹八月出西方粟貴

通攷朔日值白露果穀不實值秋分主物價貴

又秋分諺云分社同一日低田盡叫屈秋分在社前斗

米換斗錢秋分在社後斗米換斗豆

楊升菴集蜀西南多雨名曰漏天杜子美詩鼓角漏天東是也自秋分後遇壬謂之入霑吳下曰入液

談叢中秋無月則兔不孕蚌不胎蕎麥不實兔望月而孕蚌望月而胎蕎麥得月而秀

又八月一日雨則角田下熟角田豆也

經鉏堂雜誌八月一日雁門開懶婦催將刀尺裁

嘉定縣志秋分在社日前則田有收而穀賤後則無收

而穀貴諺云分後社白米徧天下社後分白米如錦墩
又八月二十四日爲稻藁生日雨則雖得穀藁必腐

農政全書秋分要微雨或天陰最妙主來年高低田大
熟 喜雨諺云麥秀風搖稻秀雨澆此言將秀得雨則
堂肚大穀穗長秀實之後雨則米粒圓見收數 畏早
諺云田怕秋乾人怕老窮秋熱損稻旱則必熱 怕秋
水潦稻諺云雨水渰沒產全收不見半 八月又作新

涼諺云處暑後十八盆湯 又云立秋後四十五日浴

堂乾 十八日潮生日前後有水謂之橫港水

九月 寒露 霜降

詩唐風蟋蟀在堂歲聿其暮

傳蟋蟀蝥也箋蝥在堂歲時之候是時農功已畢

又蟋蟀在堂役車其休

箋庶人乘役車役車休農功畢無事也疏春官巾車注云役車方箱可載任器以供役收納禾稼亦用此車故役車休息是農功畢無事也

豳風九月授衣

箋九月霜降始寒蠶績之功成可以授衣矣

又九月叔苴

疏叔拾也苴麻之有實者也以麻九月初熟拾取以供羹菜其在田收穫者猶納倉以供常食也

又九月窋場圃

箋場圃同地自物生之時耕治之以種菜茹至物盡成熟窋堅以爲場

又九月肅霜

傳肅縮也霜降而收縮萬物

禮記月令季秋之月日在房昏虛中旦柳中

註季秋日月會於大火斗建戌之辰

又鴻雁來賓爵入大水爲蛤鞠有黃花豺乃祭獸戮禽
陳澧曰此記戌月之候雁以仲秋先至者爲主季秋
後至者爲賓爵爲蛤飛物化爲潛物也鞠色不一而
專言黃者秋令在金鞠色以黃爲正也祭獸者祭之

于天戮禽者殺之以食也

又是月也霜始降

又草木黃落乃伐薪爲炭蟄蟲咸俯在內皆瑾其戶

疏俯垂頭向下以隨陽氣也瑾塗也塗塞其戶穴以避地上陰氣也

天子乃以犬嘗稻先薦寢廟

國語天根見而水涸

註天根亢氏之間也涸竭也謂寒露雨畢之後五日

天根朝見水潦盡竭也

本見而草木節解

註本氏也謂寒露之後十日陽氣盡草木之枝節皆
理解也

夏小正樹麥

傳鞠榮而樹麥時之急也

春秋繁露季秋九月陰乃始多于陽天乃于是時出凜
下霜

說文戌滅也九月陽氣微萬物畢成陽下入地也

易通卦驗寒露正陰雲出如冠纓霜降太陽雲出上如

羊下如礧石

三禮義宗寒露者九月之時露氣轉寒也

又九月霜降爲中露變爲霜故以爲霜降節

齊民要術大豆九月中候近地葉有黃落者速刈之

註葉少不黃必浥鬱刈不速逢風則葉落盡遇雨澤

爛不成

又茄子九月熟時摘取擘破水淘子取沉者速曝乾裹
置至二月畦種

又九月治場圃塗圉倉修竇窖繕五兵習戰射以備寒
凍窮厄之寇存問九族孤寡老病不能自存者分厚撤
重以救其寒

栽種 椒 菊 茱萸 地黃 蠶豆 牡丹 水仙

宜月初 柿 蒜 萱草 芥菜 苡麥 芍藥 罌

粟 日九 諸般冬菜

分栽 櫻桃 桃 楊

移植 枇杷 橙 雜果木

收藏 栗 諸色豆稈 五穀種 油麻 甘蔗 梔

子 紫蘇 木瓜 韭子 牛蒡子 冬瓜子 萊

豆 茄種 栗子 枸杞 榧子 皂角 黃菊

槐子

蟹殼

治產後
兒枕疼

茶子 紫草子

雜事 掘薑出土 草包石榴橘栗蒲桃 米菊 築

墻圃 斫竹木 斫芋 收雞種

續本事詩北方白雁似雁而小色白秋深乃來白雁至
則霜降河北人謂之霜信杜甫詩云故國霜前白雁來
謂此

嘉興縣志九月藝麥豆栽桑築場亦謂之忙月

占驗

禮記月令季秋行夏令則其國大水冬藏殃敗民多眚
噍行冬令則國多盜賊邊境不寧地土分裂行春令則
暖風來至民氣解惰師興不居

師曠占粟來常以九月爲本若貴賤不時以最賤之日爲本粟以秋得本貴在來夏以冬得本貴在來秋此收穀遠近之期也

戎事類占自一日至九日以日占月遇此日風則此月穀貴九月雷主穀貴

又霜不下則來年三月多陰寒多雨主米貴

文林廣記九月庚辰辛卯日雨主冬穀貴一倍

又虹以九月出西方大小豆貴又朔日虹見麻貴油貴

雜占朔日值寒露主冬寒嚴凝值霜降主歲歉

又朔日風雨主春旱夏雨芝麻貴又朔日東風半日不止主米麥貴

又九月上卯日北風來年三七月米大貴東風亦然西北平平

又十三日晴則冬晴柴賤

田家五行重九日晴則冬至日上元清明四日皆晴雨則皆雨諺云重陽無雨一冬晴又諺云九日雨米成

脯又云重陽濕漉漉穰草錢千束

四時占候九月雨大宜收禾又云九月九日是雨歸路
日有雨來年熟

嘉定縣志九月十三爲稻蘿生日宜晴又云十三晴不
如十四靈十四晴釘靴掛斷鼻頭繩

農政全書九月初有雨多謂之秋水 中氣前後起西
北風謂之霜降信有雨謂之濕信未風先雨謂之料信
雨霜降前來信易過善後來信必嚴毒此信乾濕後信

必如之諺云霜降了布衲著得言已有暴寒之色

欽定授時通考卷五

欽定四庫全書

欽定授時通考卷六

天時

冬

書堯典申命和叔宅朔方曰幽都平在朔易

傳北稱朔亦稱方都謂所聚也易謂歲改易於北方
平均在察其政以順天常疏一歲之事在東則耕作
在南則化育在西則成熟在北則改易故以方名配

歲事爲文言順天時氣以勸課人務也春則生物秋則成物日之出也物始生長人當順其生長致力耕耘日之入也物皆成熟人當順其成熟致力收斂東方之官當恭敬導引日出平秩東作之事使人耕耘西方之官當恭敬從送日入平秩西成之事使人收斂日之出入自是其常但由日出入故物有生成雖氣能生物而非人不就勤於耕稼是導引之勤於收藏是從送之平秩南訛亦是導日之事平在朔易亦

是送日之事依此春秋而共爲賓餞勸課下民皆使
致力是敬導之平均次序即是授人田里各有疆場
是平均之也

日短星昴以正仲冬厥民隩鳥獸氄毛

傳曰短冬至之日昴白虎之中星亦以七星並見以正冬之三節隤室也民改歲入此室處以辟風寒鳥獸皆生與毳細毛以自溫焉

詩幽風一之日鶩發二之日栗烈

傳一之日周正月也霽發風寒也二之日殷正月也
栗烈氣寒也疏仲冬之月待風乃寒季冬之月無風
亦寒

小雅上天同雲雨雪雰雰

傳雰雰雪貌豐年之冬必有積雪疏明年將豐必有
積雪爲宿澤也

左傳襄公十三年冬城防書事時也於是將早城臧武
仲請俟畢農事禮也

注土功雖有常節通以事間爲時

大戴禮方冬三月草木落庶虞藏五穀必入於倉於時
有事烝於皇祖皇考息國老六人以成冬事

書傳主冬者昴昏中可以收歛

農桑通訣立冬之節首五日水始冰次五日地始凍後
五日雉入大水爲蜃次小雪中氣初五日虹藏不見次
五天天氣騰地氣降後五日閉塞而成冬次仲冬大雪
節氣初五日鶡鴒不鳴次五日虎始交後五日荔挺出

次冬至中氣初五日蚯蚓結次五日麋角解後五日水
泉動次季冬小寒節氣初五日雁北鄉次五日鵲始巢
後五日雉始鳴次大寒中氣初五日雞始乳次冬華次
五日征鳥厲疾後五日水澤腹堅凡此六氣一十八候
皆冬氣正養藏之令

十月 立冬 小雪

詩豳風十月穫稻爲此春酒以介眉壽

傳春酒凍醪也疏穫稻爲酒唯助養老

又十月滌場朋酒斯饗曰殺羔羊躋彼公堂稱彼兕觥
萬壽無疆

箋十月民事男女俱畢無饑寒之憂國君閒於政事
而饗羣臣

禮記月令孟冬之月日在尾昏危中旦七星中

註孟冬日月會于析木之津斗建亥之辰

其日壬癸其帝顓頊其神玄冥

註壬之言任也癸之言揆也日之行東北從黑道閉

藏萬物月爲之佐時萬物懷任于下揆然萌芽顓頊
高陽氏也玄冥少皞氏之子曰脩曰熙爲水官

又水始冰地始凍雉入大水爲蜃虹藏不見

陳澍曰此記亥月之候蜃蛟屬此飛物化爲潛物也
虹非有質而曰藏言其氣之下伏也

又是月也以立冬先立冬三日太史謁之天子曰某日
立冬盛德在水天子乃齊立冬之日天子親帥三公九
卿大夫以迎冬于北郊

又天氣上騰地氣下降天地不通閉塞而成冬

又命有司循行積聚無有不斂

注謂芻禾薪蒸之屬

又天子乃祈來年於天宗

注此周禮所謂蜡祭也天宗謂日月星辰也

郊特牲天子大蜡八伊耆氏始爲蜡蜡也者合聚萬物而索饗之也蜡之祭也主先嗇而祭司嗇也饗農及郵表畷禽獸仁之至義之盡也迎貓爲其食田鼠也迎虎

謂其食田豕也祭坊與水庸事也曰土反其宅水歸其壑草木歸其澤

注歲十二月周之正數謂建亥之月也

白虎通律中應鐘鐘動也言萬物應陽而動下藏也

三禮義宗十月立冬爲節者冬終也立冬之時萬物終成因爲節名十月小雪爲中者氣叙轉寒雨變成雪故以小雪爲中

齊民要術十月培築垣牆塞向瑾戶上辛命典饋漬麴

釀冬酒作脯腊先冰凍作涼飴煮曝飼可折麻緝績布

縷作白履不借

草履之賤者曰不借

賣練帛弊絮糴粟豆麻子

移植 橙 柑 橘

栽種 大小豆 春菜 生薑 蘿蔔

收藏 地黃 蒼蓮菜 天蘿子 茶子 橘皮 天

豆 栗子 薏苡 椒 冬瓜子 芙蓉條 石橘

蘿蔔 山藥 枸杞 皂角 芋

雜事 移栽 接花果 澆灌花木 穫稻 納禾稼

開磚 煮膠 收炭 造牛衣 修牛馬 塞北

戶 用蓋爐 石塔砌 收二桑葉 壅苧麻 耘

麥地 收豬種 泥飾牛馬屋 壓桑

西域志天竺國以十月二十六日爲冬至冬至則麥秀
歲時事要十月天時和暖似春花木重花故曰小春

占驗

禮記月令孟冬行春令則凍閉不密地氣上泄民多流
亡行夏令則國多暴風方冬不寒蟄蟲復出行秋令則

雪霜不時小兵時起土地侵削

師曠占五穀貴賤常以十月朔日占風從東來春賤逆此者貴

家塾事親朔日值立冬主災異值小雪有東風春米賤西風春米貴其日用斗量米若綴在斗來春陡貴甚驗又十月有三卯糴平無則穀貴

農政全書十月立冬晴則一冬多晴雨則一冬多雨亦多陰寒諺云賣絮婆子看冬朝無風無雨哭號咷立冬

日西北風主來年旱天熱 晴過寒諺云立冬晴過寒
弗要樞柴積又主有魚 雨主無魚諺云一點雨一個
模魚鵠 冬前霜多主來年旱冬後多晚禾好 十六
日爲寒婆生日晴主冬暖此說得之崇德舉人徐伯和
自江東石洞秩滿而歸云彼中客旅遠出專看此日若
晴暖則但隨身衣服而已不必他備言極有准也 月
內有雷主災疫有霧俗呼曰沫露主來年水大仍相去
二百單五口水至老農咸謂極驗或云要看霧著水面

則輕離水面則重諺云十月沫露塘濫十一月沫露塘
乾 冬初和暖謂之十月小春又謂之晒糯穀天漸見
天寒日短必須夜作諺云十月無工只有梳頭吃飯工
又云河東西好使犁河射角好夜作 立冬前後起南
北風謂之立冬信月內風頻作謂之十月五風信 諺
云冬至前後鴻水不走

十一月 大雪 冬至

禮記月令仲冬之月日在斗昏東辟中旦軫中

注仲冬日月會于星紀斗建子之辰

又冰益壯地始坼鶡旦不鳴虎始交

陳澹曰此記子月之候鶡旦夜鳴求旦之鳥

是月也日短至

陳澹曰短至短之極也

又芸始生荔挺出蚯蚓結麋角解水泉動

注芸與荔挺皆香草結屈也解脫也水者天一之陽
所生陽生而動言枯涸者漸滋發也

漢書律厯志律中黃鐘黃者中之色鐘者種也陽氣施種於黃泉孳萌萬物爲六氣元也

三禮義宗十一月大雪爲節者形於小雪爲大雪時雪轉甚故以大雪名節

孝經說斗指子爲冬至至有三義一者陰極之至二者陽氣始至三者日行南至

四民月令冬十一月糴秔稻粟豆麻子

便民圖纂十一月種大小麥稻收割畢將田鋤成行壟

令四畔溝洫通水下種以灰糞蓋之諺云無灰不種麥
須灰糞均調爲上宜雪壓易長

務本新書十一月種油菜稻收畢鋤田如麥田法既下
菜種和水糞之芟去其草再糞之雪壓亦易長明年初
夏間收子取油甚香美

齊民要術冬十一月陰陽爭血氣散冬至日先後各五
日寢別內外可釀醯糴秬稻粟豆麻子 此月如有雪
則收貯雪水埋地中混穀種倍收不怕

栽種 小麥 油菜 蒿苳 桑

移植 松 栢 檜

收藏 鹽水蘿蔔 牛蒡子 豆餅 水果子 鹽菜

宜冬
至前

澆培 石榴 柑 橘 橙 柚 梨 栗 棗 柿

雜事 做酒藥 接雜木 造農具 夾芭籬 澆菜

伐木 斫竹 打豆油 置碎草牛脚下春糞田

盦芙蓉條 試穀種 鋤油菜

占驗

禮記月令仲冬行夏令則其國乃旱氛霧冥冥雷乃發聲行秋令則天時雨汁瓜瓠不成國有大兵行春令則蝗蟲爲敗水泉咸竭民多疥癘

四時纂要冬至數至元旦五十日者民食足

陶朱公書冬至日觀雲須于子時至平旦觀之若青雲北起主歲稔民安赤雲主旱黑雲主水白雲主人災黃雲大熟無雲主凶

又冬至日占風若南風主穀貴北風主歲稔西風主禾
熟若東南風久有重霧主水西南風主久陰諺云冬至
西南百日陰半晴半雨到清明

易通卦驗冬至日謹候見雲迎送從其鄉來歲美民和
春秋感精符南至有雲迎日年豐之象

尚書璇璣鈴冬至陰雲祁寒有雲迎日者來歲大美

京房易占虹以冬至四十六日內出東方貫艮中春多
早夏多火災粟貴

玉海開元十一年十一月癸酉日長至太史奏有雲迎
日祥風至日有冠珥太平之嘉應

紀歷撮要冬至前米價長貧兒受長養冬至前米價落
貧兒轉消索

清臺占法冬至後一日得壬炎旱千里二日得壬小旱
三日得壬平四日得壬五穀豐五日得壬少水六日得
壬大水七日得壬河決流八日得壬海翻騰九日得壬
大熟十日至十二日得壬五穀不成

農政全書十一月冬至諺曰乾冬濕年坐了種田又云
開熱冬至冷淡年蓋吳人尚冬至欲晴故也或云冬至
雨年必晴冬至晴年必雨此說頗准

嘉興縣志冬至晴主來歲稔

嘉定縣志十一月十七爲彌陀生日忌南風相傳有偈
云南風吹我面有米也不賤北風吹我背無米也不貴
極驗

沈存中筆談是月中遇東南風謂之歲露有大毒若飢

感其氣開年著瘟病又云風色多與下年夏至相對
農桑輯要欲知來年五穀所宜是日取諸種各平量一
升布囊盛之埋窖陰地後五日發取量之息多者歲所
宜也

十二月 小寒 大寒

禮記月令季冬之月日在婺女昏婁中旦氐中

注季冬日月會于玄枵斗建丑之辰

又雁北鄉鵲始巢雉雞乳

陳澍曰此記丑月之候雉鳴也

又水方盛水澤腹堅命取水

注腹厚也此月日在北陸水堅厚之時

又日窮于次月窮于紀星迴于天數將幾終歲且更始
又專而農民毋有所使

註言專一汝農民之心令之豫有志于耕稼之事不
可徭役徭役之則志散失業也

國語及寒擊萁除田以待時耕

註莫橐同寒謂季冬大寒時也

漢書律歷志律中大呂呂旅也言陰大旅助黃鐘宣氣而牙物也

後漢書禮儀志季冬之月星迴歲終陰陽以交勞農大享臘

註漢氏以午祖以戌臘午南方故以祖冬者歲之功物畢成故以戌臘

白虎通大大也呂者拒也言陽氣欲出陰不許也呂之

爲言拒者旅抑拒難之也

三禮義宗小寒爲節者亦形於大寒故謂之小言時寒氣猶未極也

又大寒爲中者上形於小寒故謂之大十一月一陽爻初起至此始徹陰氣出地方盡寒氣併在上寒氣之逆極故謂大寒

易通卦驗小寒合凍蒼陽雲出氐大寒降雪黑陽雲出心

風俗通臘者所以迎刑送德也大寒至常恐陰勝故以戌日臘戌者溫氣也

齊民要術十二月休農息役惠必下浹遂合耦田器養

耕牛選任田者以俟農事之起去豬盍車骨

後三歲可合瘡膏藥

及臘日祀炙蓮

蓮一作蘆燒飲治刺入肉中及樹瓜田中四角去蟲

栽種橘松花樹麥

宜臍日

桑檉麻

收藏臘米臘水臘酒臘肉臘葱風魚

脯腊臘糟猪脂冰

雜事 造農具 舂米 舂粉 浸米可止瀉痢 浸燈心

剝桑 壓果木 沃桑泥 墩牡丹土 合臘藥

掃 以猪脂啗馬 臘水作麪糊標背不蛀 伐竹

木

春稻必須冬時積日燥暴一夜置霜露中即春若冬春不乾即果青赤脉起不經霜不燥暴則米碎矣

范成大冬春行序臘日舂米爲一歲計多聚杵臼盡臘中畢事藏之土瓦倉中經年不壞謂之冬舂米詩臘中

儲蓄百事利第一先春年米計羣呼步碓滿門庭運杵
成風雷動地篩勻箕健無粃糠百斛只費三日忙齊頭
圓絜箭子長隔蘿耀日雪生光土食瓦甕分蓋藏不蠹
不腐常新香去年薄收飯不足今年頓頓炊白玉春耕
有種夏有糧接到明年秋刈熟鄰叟來觀還嘆嗟貧人
一飽不可賒官租私債緣如麻有米冬春能幾家

占驗

禮記月令季冬行秋令則白露早降介蟲爲妖四鄙入

保行春令則胎夭多傷國多固疾命之曰逆行夏令則水潦敗國時雪不降水凍消釋

陶朱公書朔日值大雪或冬至皆主有灾風雨主麥好西風主盜賊起

又念四夜黃昏時候鄉人束稻草於竿點火在田間行走名曰照田蠶看火色卜水旱色白主水色赤主旱猛烈年豐歲蕤歲歉取北風爲上又除夜燒盆爆竹與照田蠶看火色同是夜取安靜爲吉

通考十二月朔日值大寒主有虎出爲災值小寒主有祥瑞東風半日不止主六畜大災風主春旱

又月內有霧亦主來年有水有冷雨暴作主來年六七月內橫水

又常以歲除夜五更視北斗占五穀善惡其星明則成熟暗則有損貪狼主蕎麥巨門主粟祿存主黍文昌主芝蔴廉貞主麥武曲主粳糯破軍主赤豆輔星主大豈雜占臘月柳眼青主來年夏秋米賤臘月雷鳴雪裡主


陰雨百日又月內雷主來年旱澇愆期

紀歷撮要冰結後水落主來年旱結後水漲名上水冰
主水若緊後來年大水

又除夜東北風五禾大熟

農政全書冬天南風三兩日必有雪至後第三戌為臘
臘前三兩番雪謂之臘前三白大宜菜麥諺云臘雪是
被春雪是鬼又主來年豐稔諺云一月見三白田翁笑
嚇嚇又主殺蝗子十二月謂之大禁月忽有一日稍

暖即是大寒之候諺云一日赤膊三日齧齧 又云大寒須守火無事不出門 又云大寒無過丑寅大熱無過未申 十二月立春在殘年主冬暖諺云兩春夾一冬無被暖烘烘



欽定授時通考卷六